



**MEMORANDUM**  
**O RAZUMIJEVANJU I SARADNJI U OBLASTI**  
**ZAŠTITE I SPAŠAVANJA**

Sarajevo, mart 2014. godine

## MEMORANDUM

### O RAZUMIJEVANJU I SARADNJI U OBLASTI ZAŠTITE I SPAŠAVANJA

između

Ministarstva sigurnosti Bosne i Hercegovine, sa sjedištem u Zgradi prijateljstva između Grčke i Bosne i Hercegovine, Trg BiH br. 1 u Sarajevu,

i

JP Međunarodni aerodrom „Sarajevo“ d.o.o. Sarajevo, Kurta Schorka br. 36 u Sarajevu,

U daljem tekstu: Strane potpisnice

#### I - OPĆE NAPOMENE

*Sagledavajući* visok stepen rizika i ugroženosti Bosne i Hercegovine od prirodnih ili drugih nesreća i mogućih ozbiljnih posljedica po ljude i materijalna dobra, Strane potpisnice su utvrdile značaj međusobne saradnje kroz zajedničke aktivnosti u oblasti zaštite i spašavanja u cilju unaprjeđenja sigurnosti građana Bosne i Hercegovine.

*Uzimajući u obzir* da je Ministarstvo sigurnosti Bosne i Hercegovine, u skladu sa Okvirnim zakonom o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini („Službeni glasnik BiH“, broj 50/08) nadležno za koordinaciju institucija i organa u Bosni i Hercegovini u oblasti zaštite i spašavanja.

*Imajući u vidu* vitalnu ulogu JP Međunarodnog aerodroma „Sarajevo“ d.o.o. Sarajevo u prihvatu međunarodne pomoći u slučaju prirodnih ili drugih nesreća u Bosni i Hercegovini, te specifične prirode civilnog zračnog saobraćaja i stalne prijetnje nesreće zrakoplova u prilazu za slijetanje na aerodrom, koju opisuje Procjena ugroženosti Bosne i Hercegovine od prirodnih ili drugih nesreća.

Ministarstvo sigurnosti Bosne i Hercegovine i JP Međunarodni aerodrom „Sarajevo“ d.o.o. Sarajevo, kao Strane potpisnice, izražavaju spremnost da u domenu utvrđenih nadležnosti kroz buduće zajedničke aktivnosti značajnije unaprijede saradnju u oblasti zaštite i spašavanja i doprinesu razvoju sistema zaštite i spašavanja u Bosni i Hercegovini, kao što se navodi u predmetu saradnje Strana potpisnica. Memorandum predstavlja polaznu osnovu za razvoj partnerstva, koji je nastao kao izraz potrebe da se utvrde okviri i vidovi buduće saradnje u oblasti zaštite i spašavanja.

## II - PREDMET SARADNJE STRANA POTPISNICA

- (1) Predmet saradnje po ovom Memorandumu podrazumijeva sljedeće modalitete uzajamne podrške i saradnje:
- a) redovna komunikacija, razmjena informacija putem operativnih centara, kao i razmjena svih podataka i dokumenata od značaja za preventivno i operativno djelovanje Strana potpisnica;
  - b) stručna pomoć i podrška u izradi propisa iz nadležnosti Strana potpisnica i planiranju za prirodne ili druge nesreće;
  - c) osiguranje operativne podrške za skladištenje roba, opreme i sredstava za zaštitu i spašavanje kod prijema međunarodne pomoći;
  - d) stručna i materijalna podrška, saradnja i pomoć u opremanju u cilju osiguravanja uvjeta za efikasan i efektivan prihvrat opreme i sredstava za zaštitu i spašavanje kod prijema međunarodne pomoći;
  - e) stručna pomoć i podrška u uspostavi adekvatne strukture odgovora i upravljanja, kao i edukaciji, opremanju, obučavanju i osposobljavanju za razvoj znanja i vještina u oblastima iz nadležnosti Strana potpisnica;
  - f) saradnja u oblasti naučno - istraživačkog rada i izdavaštva;
  - g) organizacija, učešće i omogućavanje učešća na naučnim i stručnim skupovima, konferencijama, obukama, seminarima, radionicama, kao i vježbama i drugim specijalističkim modulima osposobljavanja, usavršavanja i razvoja vještina, u Bosni i Hercegovini i inostranstvu, a koji su iz nadležnosti Strana potpisnica;
- (2) U okviru Memoranduma mogu biti razvijeni i drugi oblici saradnje u oblasti zaštite i spašavanja, koje dogovore Strane potpisnice, što se regulira aneksima Memoranduma.

## III - NADZOR NAD PROVEDBOM MEMORANDUMA

- (1) S ciljem osiguranja provedbe dogovorenih aktivnosti, Strane potpisnice formiraju zajednički tim koji vrši redovan nadzor i evaluaciju rezultata saradnje.
- (2) Strane potpisnice će održavati sastanke najmanje jednom godišnje, a po potrebi i češće, s time da na te sastanke mogu pozivati *ad hoc* stručne osobe i iz drugih organizacijskih jedinica, nadležnih ministarstava i organa uprave entiteta i Brčko Distrikta Bosne i Hercegovine, kao i naučnih i stručnih institucija sa kojima Strane potpisnice imaju ugovorenu saradnju, a po pitanjima iz ovog Memoranduma.

#### IV - RELEVANTNI ZAHTJEVI STRANA POTPISNICA

- (1) Strane potpisnice iskazuju spremnost da u skladu sa svojim mogućnostima i kapacitetima intenzivno rade na implementaciji aktivnosti iz predmeta Memoranduma, od obostranog interesa i interesa građana države Bosne i Hercegovine.
- (2) Strane potpisnice će, shodno utvrđenim nadležnostima i planiranim sredstvima, dogovarati i ugovarati zajedničke aktivnosti u svrhu adekvatne realizacije aktivnosti iz predmeta Memoranduma.

#### V - ZAVRŠNE ODREDBE

- (1) Memorandum je neograničenog trajanja, a može biti prekinut na osnovu najave bilo koje od Strana potpisnica.
- (2) Memorandum je potpisan u dva istovjetna primjerka, na jezicima i pismima Bosne i Hercegovine, gdje svaka Strana potpisnica zadržava po jedan primjerak na svakom od jezika i pisama.
- (3) Memorandum stupa na snagu danom potpisivanja.

Broj: 09-02-04-1-339- 6 /14  
Sarajevo, 19.03. 2014. godine

Broj: 01-01-5-2001/2  
Sarajevo, 21.03. 2014. godine

Za Ministarstvo sigurnosti  
Bosne i Hercegovine.



Za Međunarodni aerodrom  
„Sarajevo“ d.o.o. Sarajevo:

